

本紀

新羅

高句麗

三國史記

三



三國史記卷第九

輸忠定難靖國贊化同德功臣開府儀同三司檢校太師守太保門下侍中判尚

書事兼集賢殿太學士監修國史上柱國致仕臣金富軾奉 宣撰

新羅本紀

成王 德王

景德王

惠恭王

孝成王立諱承慶聖德王第二子母炤德王后
大赦三月改司正丞及左右方府丞並為佐
以伊食貞宗為上大等阿食義忠為中特夏五
月地震秋九月流星天散冬十月入新羅食
抱質廼十二月遣使入海獻方物

二年春二月唐玄宗聞聖德王薨悼惜久之遣

左贊善大夫邢璣以鴻臚少卿往吊祭贈太子
太保五冊嗣王為開府儀同三司新羅王璣將
發帝製詩序太子已下百寮咸賦詩以送帝謂
璣曰新羅號為君子之國頗知書記有類中國
以卿惇儒故持節往宜演經使知大國儒教
之盛又以國人善碁詔率府兵曹參軍楊季膺
為副國高亦充其下於是王厚贈璣等金寶
藥物唐使詔冊王妃朴氏三月遣金元玄入
唐賀正夏四月唐使臣邢璣以老子道德經等
文書獻于王白虹貫日所夫里郡河水變血

三年春正月拜祖考廟中侍義忠卒以伊食信
忠為中侍善天宮成賜邢璣黃金三十兩布五
十匹人廩一百斤二月拜王弟憲英為波珍食
三月納伊食順兒女惠明為妃夏五月封波珍
食憲英為太子秋九月完山州獻白鵲孤鳴月
城宮中狗咬殺之

四年春三月唐遣使冊夫人金氏為王妃夏五
月鎮星犯軒轅大星秋七月有一緋衣人自
隸橋下出謗朝政過孝信公門忽不見八月波
珍食永宗謀叛伏誅先是永宗女入後宮王

愛之恩渥日甚王妃嫉妬與族人謀殺之
宗
怨王妃宗黨因此叛

五年夏四月命大臣貞宗思仁閱弩兵
六年春二月東北地震有聲如雷夏五月流星
犯參大星王薨謚曰孝成
寺南散骨東海

景德王立諱憲英孝成王同母弟孝成無子立
憲英為太子故得嗣位妃伊飡順貞之女也

元年冬十月日本國使至不納

二年春三月主力公宅牛一產三犢唐玄宗遣

贊善大夫魏曜來吊祭仍冊立王為新羅王襲
先王官爵制曰故開府儀同三司使持節大都
督鷄林州諸軍事兼持節寧海軍使新羅王金
承慶弟憲英立業懷仁率心常禮大賢風教條
理尤明中夏軌儀衣冠素襲馳海琛而遣使準
雲呂而通朝代為純臣累效忠節頃者兄承土
宇沒而絕嗣弟膺繼及抑惟常經是用賓懷優
以冊命宜用舊業俾承藩長之名仍加殊禮載
錫漢官之號可襲兄新羅王開府儀同三司使
持節大都督鷄林州諸軍事兼充持節寧海軍

使并賜御注孝經一部夏四月納舒弗部金義
忠女為王妃秋八月地震冬十二月遣王舅入
唐賀正授左清道率府貧外長史賜綵袍銀帶
放還

三年春正月以伊食惟正為中侍閏二月遣使
入唐賀正并獻方物夏四月親祀神宮遣使入
唐獻馬冬妖星出中天大如五斗器浹旬乃滅
四年春正月拜伊食金思仁為上大等夏四月
京都雹大如鷄子五月旱中侍惟正退伊食大
正為中侍秋七月葺東宮又置司正府少年監

典穢宮典

五年春二月遣使入唐賀正并獻方物夏四月
大赦賜大酺度僧一百五十人

六年春正月改中侍為侍中置國學諸業博士
助教遣使入唐賀正并獻方物三月震真平王
陵秋旱冬無雪民饑且疫出使十道安撫

七年春正月天狗落地秋八月太后移居永明
新宮始置貞察一貲糾正百官遣阿滄貞節等
檢察北邊始置大谷城等十四郡縣
八年春三月暴風拔木三月置天文博士一員

漏刻博士六員

九年春正月侍中大正免伊食朝良為侍中二
月置御龍省奉御二員

十一年春三月以級食原神龍方為大阿食秋
八月置東宮衛官冬十月加置倉部史三人
十二年秋八月日本國使至慢而無禮王不見
之乃迴武珍州麿白雉

十三年夏四月京都電大如雞卵五月立聖德
王碑牛頭州獻瑞芝秋七月王命官修葺永興
元延二寺八月旱蝗侍中朝良退

十四年春穀貴民饑熊川州向德貧無以為養

割股肉飼其父王聞賜賚頗厚仍使旌表門閭

望德寺塔動

唐令狐澄新羅國記曰其國為唐此寺故以為名兩塔相對高十

三層忽震動開合如欲傾倒者數日其年祿山不疑其應也

夏四月遣使入

唐賀正秋七月赦罪人存問老疾鰥寡孤獨賜

穀有差以伊資金耆為侍中

十五年春二月上大等金思仁以比年災異屢

見上疏極論時政得失王嘉納之王聞玄宗在

蜀遣使入唐泝江至成都朝貢玄宗御製御書

五言十韻詩賜王曰嘉新羅王歲修朝貢克踐

禮樂名義賜詩一首四維分景緯萬象含中樞
玉帛遍天下梯航歸上都緬懷阻青陸歲月勤
黃圖漫漫窮地際蒼蒼連海隅興言名義國豈
謂山河殊使去傳風教人來習典謨衣冠知奉
禮忠信識尊儒誠矣天其鑑賢哉德不孤擁旄
同作牧厚貺比生芻益重青青志風霜恒不渝
帝幸蜀時新羅能不遠千里朝聘行在所故嘉
其至誠賜之以詩其二云益重青青志風霜恒不
渝者豈古詩疾風知勁草板蕩識貞臣之意乎
宣和中入朝使臣金富儀將刻本入汴京示館

伴學士李邴李邴上皇帝因宣示兩府及諸學
士訖傳宣白進奉侍郎所上詩真明皇書嘉歎
不已夏四月大電大永郎獻白狐授位南邊第

一

十六年春正月上大等思仁病免伊食信忠為
上大等三月除内外羣官月俸復賜祿邑秋七
月重修永昌宮八月加調府史二人冬十二月
改沙伐州為尚州領州一郡十縣三十畝良州
為良州領州一小京一郡十二縣三十四菁州
為康州領州一郡十一縣二十七漢山州為漢

州領州一小京一郡二十七縣四十六首若州
為朔州領州一小京一郡十一縣二十七熊川
州為熊州領州一小京一郡十三縣二十九河
西州為溟州領州一郡九縣二十五完山州為
全州領州一小京一郡十縣三十一武珍州為
武州領州一郡十四縣十四良州一作梁州
十七年春正月侍中金耆卒伊飡廉相為侍中
二月下教內外官請暇滿六十日者聽解官夏
四月選醫官精究者充內供奉置律令博士二
貳秋七月二十三日王子生大雷電震佛寺十

六所八月遣使入唐朝貢

十八年春正月改兵部倉部卿監為侍郎大舍
為郎中改執事舍知為執事貲外郎執事史為
執事郎改調府禮部乘府船府領客府左右議
方府司正位和府例作典大學監大道署永昌
宮等大舍為主簿賞賜署典祀署音聲署工匠
府彩典等大舍為主書二月改禮部舍知為司
禮調府舍知為司庫領客府舍知為司儀乘府
舍知為司牧船府舍知為同舟例作府舍知為
司例兵部弩舍知為司兵倉部租舍知為司倉

三月彗星見至秋乃滅

十九年春正月都城寅方有聲如伐鼓衆人謂之鬼鼓二月宮中穿太池又於宮南蚊川之上起月淨春陽二橋夏四月侍中廉相退伊食金邕為侍中秋七月封王子乾運為王太子

二十年春正月朔虹貫日日有珥夏四月彗星出

二十一年夏五月築五谷鶴巖漢城獐塞池城德谷六城各置太守秋九月遣使入唐朝貢二十二年夏四月遣使入唐朝貢秋七月京都

大風飛瓦拔樹八月桃李再花上大等信忠侍
中金鬯免大柰麻李純為王寵臣忽一旦避世
入山累徵不就剃髮為僧為王創立斷俗寺居
之後聞王好樂即詣宮門諫奏曰臣聞昔者桀
紂荒于酒色淫樂不止由是政事凌遲國家敗
滅覆轍在前後車宜戒伏望大王改過自新以
永國壽王聞之感歎為之停樂便引之正室聞
說道妙以及理世之方數日乃止。

二十三年春正月伊飡萬宗為上大等阿飡良
相為侍中三月星孛于東南龍見楊山下俄而

飛去冬十二月十一日流星或大或小觀者不能數

二十四年夏四月地震遣使入唐朝貢帝授使者檢校禮部尚書六月流星犯心是月王薨謚

曰景德葬毛祗寺西岑

古記云永泰元年乙巳卒而舊唐書及資理通

鑑皆云大曆二年新羅王憲英卒豈其誤耶

惠恭王立諱乾運景德王之嫡子母金氏滿月夫人舒弗邯義忠之女王即位時年八歲太后攝政

元年大赦幸太學命博士講尚書義

二年春正月二日並出大赦二月王親祀祿宮
良里公家牝牛生犢五脚一脚向上康州地陷
成池縱廣五十餘尺水色青黑冬十月天有聲
如鼓

三年夏六月地震秋七月遣伊食金隱居入唐
貢方物仍請加冊命帝御紫宸殿宴見三星隕
王庭相擊其光如火迸散九月金浦縣禾實皆
采

四年春彗星出東北唐代宗遣倉部郎中歸崇
敬兼御史中丞持節賫冊書冊王為開府儀同

三司新羅王蕪冊王母金氏為大妃夏五月赦
殊死已下罪六月京都雷雹傷草木大星隕皇
龍寺南地震聲如雷泉井皆竭虎入宮中秋七
月一吉食大恭與弟阿食大廉叛集衆圍王宮
三十三日王軍討平之誅九族九月遣使入唐
朝貢冬十月以伊食神猷為上大等伊食金隱
居為侍中

五年春三月燕羣臣於臨海殿夏五月蝗旱命
百官各舉所知冬十一月雉岳縣鼠八千許向
平壤無雪

六年春正月王幸西原京曲赦所經州縣繫囚
三月雨土夏四月王至自西原五月十一日彗
星出五車北至六月十二日滅二十九日虎入
執事省捉殺之秋八月大阿食金黠叛伏誅冬
十一月京都地震十二月侍中隱居退伊食正
門為侍中
八年春正月遣伊食金標石朝唐賀正代宗授
衛尉員外少卿放還
九年夏四月遣使如唐賀正獻金銀牛黃魚牙
絀朝霞等方物六月遣使如唐謝恩代宗引見

於延英殿

十年夏四月遣使如唐朝貢秋九月拜伊食良相為上大等冬十月遣使如唐賀正見于延英殿授貢外衛尉卿遣之

十一年春正月遣使如唐朝貢三月以伊食金順為侍中夏六月遣使朝唐伊食金隱居叛伏誅秋八月伊食廉相與侍中正門謀叛伏誅十二年春正月下教百官之講盡合復舊幸感恩寺望海二月幸國學聽講三月加倉部史八入秋七月遣使朝唐獻方物冬十月遣使入唐

朝貢

十三年春三月京都地震夏四月又震上大等良相上疏極論時政冬十月伊飡周元為侍中十五年春三月京都地震壞民屋死者百餘人太白入月設百座法會

十六年春正月黃霧二月雨土王幼少即位及壯淫于聲色巡遊不度綱紀紊亂災異屢見人心反側社稷杌隍伊飡金志貞叛聚衆圍犯宮闕夏四月上大等金良相與伊飡敬信舉兵誅志貞等王與后妃為亂兵所害良相等謚王為

惠恭王元妃新寶王后伊食維誠之女次妃伊
食金璋之女史失入宮歲月

宣德王立姓金氏諱良相柰勿王十世孫也父
海食孝芳母金氏四炤夫人聖德王之女也妃
具足夫人角干良品之女也

一云義恭
阿食之女

大赦追

封父為開聖大王尊母金氏為貞懿太后妻為
王妃拜伊食敬信為上大等阿食義恭為侍中
改御龍省奉御為卿又改卿為監

三年春二月親祀神宮秋七月發使安撫涇江

南州郡

三年春閏正月遣使入唐朝貢二月王巡幸漢山州移民戶於沮江鎮秋七月大閱於始林之原。

四年春正月以阿食體信為大谷鎮軍主二月京都雪三尺

五年夏四月王欲遜位羣臣三上表諫乃止

六年春正月唐德宗遣戶部郎中蓋塤持節冊命王為檢校大尉雞林州刺史寧海軍使新羅王是月王寢疾彌留乃下詔曰寡人本惟菲薄無心大寶難逃推戴作其即位居位以來年不

順成民用窮困此皆德不符民望政未合天心
常欲禪讓退居于外羣官百辟每以誠止未果
如意因循至今忽遘疾疹不寤不興死生有命
顧復何恨死後依佛制燒火散骨東海至十三
日薨謚曰宣德

三國史記卷第九

三國史記卷第十

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

新羅本紀第十

元聖王
興德王

昭聖王
僖康王

哀莊王
閔哀王

憲德王
神武王

元聖王立諱敬信柰勿王十二世孫母朴氏繼
烏夫人妃金氏諱述角干之女初惠恭王末年
叛臣跋扈宣德時為上大等首唱除君側之惡
敬信預之平亂有功洎宣德即位即為上大等
及宣德薨無子羣臣議後欲立王之族子周元

周元宅於京北二十里會大雨關川水漲周元
不得渡或曰即人君大位固非人謀今日暴雨
天其或者不欲立周元乎今上大等敬信前王
之弟德望素高有人君之體於是衆議翕然立
之繼位既而雨止國人皆呼萬歲二月追封高
祖大阿含法宣為玄聖大王曾祖伊含義寬為
神英大王祖伊含魏文為興平大王考一吉含
孝讓為明德大王母朴氏為昭文太后立子仁
讓為王太子毀聖德大王開聖大王二廟以始
祖大王太宗大王文武大王及祖興平大王考

明德大王為五廟增文武百官爵一級拜伊飡
兵部令忠廉為上大等伊飡悌恭為侍中悌恭
免伊飡世強為侍中三月出前妃具足王后於
外宮賜租三萬四千石湏江鎮進赤烏改總管
為都督二年夏四月國東雨雹桑麥皆傷遣金
元全入唐進奉方物德宗下詔書曰勅新羅王
金敬信金元全至省表及所進奉具悉卿俗敦
信義志秉貞純夙奉邦家克遵聲教撫茲藩服
皆稟儒風禮法興行封部寧乂而竭誠向闕述
職無虧累遣使臣聿修貢獻雖溟渤遐廣道路

悠長贄幣往來率循舊典忠効益著嘉歎良深
朕君臨萬方作人父母自中及外合軌同文期
致太和共躋仁壽卿宜保安封內勤恤蒼生永
作藩臣以寧海裔今賜卿羅錦綾綵等三十匹
衣一副銀盞一口至宜領之妃錦綵綾羅等二
十匹押金線繡羅裙衣一副銀枕一大宰相一
人衣一副銀盞一次宰相二人各衣一副銀枕
各一卿宜領受分給夏中盛熱卿比平安好宰
相已下並存問之遣書指不多及秋七月旱九
月王都民饑出粟三萬三千二百四十石以賑

給之冬十月又出粟三萬三千石以給之大舍
武烏獻兵法十五卷花鈴圖二卷授以屈埤縣
令

三年春二月京都地震親祀神宮大赦夏五月
太白晝見秋七月蝗害穀八月辛巳朔日有食
之

四年春始定讀書三品以出身讀春秋左氏傳
若禮記若文選而能通其義兼明論語孝經者
為上讀曲禮論語孝經者為中讀曲禮孝經者
為下若博通五經三史諸子百家書者超擢用

之前祇以弓箭選入至是改之秋國西旱蝗多盜賊王發使安撫之

五年春正月甲辰朔日有食之漢山州民饑出粟以賙之秋七月隕霜傷穀九月以子玉為楊根縣小守執事史毛肖駁言子玉不以文籍出身不可委分憂之職侍中議云雖不以文籍出身曾入大唐為學生不亦可用耶王從之論曰惟學焉然後聞道惟聞道然後灼知事之本末故學而後仕者其於事也先本而末自正譬如舉一綱萬目從而皆正不學者反此不知

事有先後本末之序但區區弊精神於枝末或
掊歛以為利或苛察以相高雖欲利國安民而
反害之是故學記之言終於務本而書亦言不
學牆面蒞事惟煩則執事毛肖一言可為萬世
之模範者焉

六年春正月以宗基為侍中增築碧骨堤徵金
州等七州入興役熊川州進赤烏三月以一吉
食伯魚使北國大旱夏四月太白辰星聚于東
井五月出粟賑漢山熊川二州饑民
七年春正月王太子卒謚曰惠忠伊食悌恭叛

三國史記卷之十
四
伏誅熊川州向省大舍妻一產三男冬十月京
都雪三尺人有凍死侍中宗基免大阿食俊邕
為侍中十一月京都地震內省侍郎金言為三
重阿食

八年秋七月遣使入唐獻美女金升蘭其女國
色身香八月封王子義英為太子上大等忠廉
卒伊食世強為上大等侍中俊邕病免伊食崇
斌為侍中冬十一月壬子朔日有食之

九年秋八月大風折木偃禾柰麻金惱獻白雉
十年春二月地震太子義英卒謚曰憲平侍中

崇斌免以迎飡彥昇為侍中秋七月始創奉恩寺漢山州進白鳥起望恩樓於宮西

十一年春正月封惠忠太子之子俊邕為太子夏四月旱親錄囚至六月乃雨秋八月隕霜害穀

十二年春京都飢疫王發倉廩賑恤之夏四月侍中彥昇為兵部令伊倉智原為侍中

十三年秋九月國東蝗害穀大水山崩侍中智原免阿飡金三朝為侍中

十四年春三月宮南樓橋災望德寺二塔相擊

夏六月旱屈自郡石南烏大舍妻一產三男一

女冬十二月二十九日王薨謚曰元聖以遺命

舉柩燒於奉德寺南

唐書云貞元十四年敬信
死通鑑云貞元十六年敬

信死以本史
考之通鑑誤

昭聖

或云昭成

王立諱俊邕元聖王太子仁謙之子

也母金氏妃金氏桂花夫人大阿食叔明女也

元聖大王元年封子仁謙為太子至七年卒元

聖養其子於宮中五年奉使大唐受位大阿食

六年以波珍食為宰相七年為侍中八年為兵

府今十一年為太子及元聖薨繼位

元年春三月以菁州老居縣為學生祿邑冷井縣令廉哲進白鹿夏五月追封考惠忠太子為惠忠大王牛頭州都督遣使奏言有異獸若牛身長且高尾長三尺許無毛長鼻自峴城川向烏食壤去秋七月得人蓼九尺甚異之遣使如唐進奉德宗謂非人蓼不受八月追封母金氏為聖穆太后漢山州獻白鳥

二年春正月封妃金氏為王后以忠芬為侍中夏四月暴風折木蜚瓦瑞蘭殿簾飛不知處臨海仁化二門壞六月封王子為太子王薨謚曰

昭聖

哀莊王立諱清明昭聖王太子也母金氏桂花夫人即位時年十三歲阿食兵部令彥昇攝政初元聖之薨也唐德宗遣司封郎中兼御史中丞韋丹持節吊慰且冊命王俊邕為開府儀同三司檢校太尉新羅王冊至鄆州聞王薨乃還秋七月王更名重熙八月授前入唐宿衛學生梁悅豆肝小守初德宗幸奉天悅從難有功帝授右贊善大夫還之故王擢用之

二年春二月謁始祖廟別立太宗大王文武大

王二廟以始祖大王及王高祖明德大王曾祖
元聖大王皇祖惠忠大王皇考昭聖大王為五
廟以兵部令彥昇為御龍省私臣未幾為上大
等大赦夏五月壬戌朔日當食不食秋九月熒
惑八月星隕如雨武珍州進赤烏牛頭州進白
雉冬十月大寒松竹皆死耽羅國遣使朝貢
三年春正月王親祀神宮夏四月以阿飡金宙
碧女入後宮秋七月地震八月創加耶山海印
寺軟良州進赤烏冬十二月授均貞大阿飡為
假王子欲以質倭國均貞辭之

四年夏四月王幸南郊觀麥秋七月與日本國
交聘結好冬十月地震

五年春正月以伊飡秀昇為侍中夏五月日本
國遣使進黃金三百兩秋七月大閱於關川之
上軟良州進白鵲重修臨海殿新作東宮萬壽
房牛頭州蘭山縣伏石起立熊川州蘇大縣釜
浦水變血九月望德寺二塔戰

六年春正月封母金氏為大王后妃朴氏為王
后是年唐德宗崩順宗遣兵部郎中兼御史大
夫元季方告哀且冊三為開府儀同三司檢校

大尉使持節大都督雞林州諸軍事雞林州刺史兼持節充寧海軍使上柱國新羅王其母叔

氏為大妃

王母父叔明柰勿王十三世孫則母姓金氏以父名為叔氏誤也

妻

朴氏為妃秋八月頒示公式二十餘條冬十一月地震

七年春三月日本國使至引見朝元殿下教禁新創佛寺唯許修葺又禁以錦繡為佛事金銀為器用宜令所司普告施行唐憲宗故宿衛王子金獻忠歸國仍加試秘書監秋八月遣使入唐朝貢

八年春正月伊食金憲昌

貞一作

為侍中二月王

坐崇禮殿觀樂秋八月大雪

九年春二月日本國使至王厚禮待之遣金力
奇入唐朝貢力奇上言貞元十六年詔冊臣故
主金俊邕為新羅王母申氏為大妃妻叔氏為
王妃冊使韋丹至中路聞王薨却迴其冊在中
書省今臣還國伏請授臣以歸勅金俊邕等冊
宜令鴻臚寺於中書省受領至寺宣授與金力
奇令奉歸國仍賜王叔彥昇及其弟仲恭等門
戟令本國准例給之

申氏金神述之女以神發
字同韻申為氏誤也

使十二道分定諸郡邑疆境秋七月辛巳朔日
有食之

十年春正月月犯畢夏六月西兄山城鹽庫鳴
聲如牛碧寺蝦蟇食蛇秋七月遣大阿食金陸
珍入唐謝恩兼進奉方物大旱王叔父彥昇與
弟伊食悌邕將兵入內作亂弑王王弟體明侍
衛王并害之追謚王為哀莊

憲德王立諱彥昇昭聖王同母弟也元聖王六
年奉使大唐受位大阿食七年誅逆臣為迎食
十年為侍中十一年以伊食為宰相十二年為

兵部令哀莊王元年為角干二年為御龍省私
臣未幾為上大等至是即位妃貴勝夫人禮英
角干女也以伊飡金崇斌為上大等秋八月大
赦遣伊飡金昌南等入唐告哀憲宗遣職方貢
外郎攝御史中丞崔廷以其質子金士信副之
持節吊祭冊立王為開府儀同三司檢校大尉
持節大都督雞林州諸軍事兼持節充寧海軍
使上柱國新羅王冊妻貞氏為妃賜大宰相金
崇斌等三人門戟按王妃禮英角干女也今云貞氏未詳二年春
正月以波珍飡亮宗為侍中河西州進赤烏二

月王親祀神宮發使修葺國內隄防秋七月流星入紫微西原京進白雉冬十月遣王子金憲章入唐獻金銀佛像及佛經等上言為順宗祈福流星入王良

三年春正月侍中亮宗以病免伊食元興為侍中二月以伊食雄元為完山州都督夏四月始御平議殿聽政

四年春以均貞為侍中以伊食忠永年七十賜几杖秋九月遣級食崇正使北國

五年春正月以伊食憲昌為武珍州都督二月

三國史記下
謁始祖廟玄德門火

六年春三月宴羣臣於崇禮殿樂極王鼓琴伊
食忠榮起舞夏五月國西大水發使撫問經水
州郡人民復一年租調秋八月京都風霧如夜
武珍州都督憲昌入為侍中冬十月黔牟大舍
妻一產三男

七年春正月遣使朝唐憲宗引見宴賜有差夏
五月下雪秋八月己亥朔日有食之西邊州郡
大飢盜賊蜂起出軍討平之大星出翼軫間指
庚芒長六許尺廣二許寸

八年春正月侍中憲昌出為菁州都督璋如為侍中年荒民飢抵浙東求食者一百七十入漢山州唐恩縣石長十尺廣八尺高三尺五寸自移一百餘步夏六月望德寺二塔戰

九年春正月以伊食金忠恭為侍中夏五月不雨遍祈山川至秋七月乃雨冬十月人多飢死教州郡發倉穀存恤遣王子金張廉入唐朝貢十年夏六月癸丑朔日有食之

十一年春正月以伊食真元年七十賜几杖以伊食憲貞病不能行年未七十賜金飾紫檀杖

二月上大等金崇斌平伊飡金秀宗為上大等
三月草賊遍起命諸州郡都督太守捕捉之秋
七月唐鄆州節度使李師道叛憲宗將欲討平
詔遣楊州節度使趙恭徵發我兵馬王奉勅旨
命順天軍將軍金雄元率甲兵三萬以助之
十二年春夏旱冬飢十一月遣使入唐朝貢穆
宗召見麟德殿宴賜有差

十三年春民饑賣子孫自活夏四月侍中金忠
恭卒伊飡永恭為侍中菁州都督憲昌改為熊
川州都督秋七月沮江南川二石戰冬十二月

二十九日大雷

十四年春正月以母弟秀宗為副君入月池宮

秀宗或云秀升

二月雪五尺樹木枯三月熊川州都督

憲昌以父周元不得為王反叛國號長安建元
慶雲元年脅武珍完山菁沙伐四州都督國原
西原金官仕臣及諸郡縣守令以為已屬菁州
都督向榮脫身走推火郡漢山牛頭軟良沮江
北原等先知憲昌逆謀舉兵自守十八日完山
長史崔雄助阿飡正連之子令忠等遁走王京
告之王即授崔雄位級飡連舍郡太守令忠位

級食遂差員將八人守王都八方然後出師一
吉食張雄先發迎食衛恭波珍食悌凌繼之伊
食均貞迎食雄元大阿食祐徵等掌三軍徂征
角干忠恭迎食允膺守蛟火關門明基安樂二
郎各請從軍明基與徒衆赴黃山安樂赴施彌
知鎮於是憲昌遣其將據要路以待張雄遇賊
兵於道冬峴擊敗之衛恭悌凌合張雄軍攻三
年山城克之進兵俗離山擊賊兵滅之均貞等
與賊戰星山滅之諸軍共到熊津與賊大戰斬
獲不可勝計憲昌僅以身免入城固守諸軍圍

攻浹旬城將陷憲昌知不免自死從者斷首與
身各藏及城陷得其身於古塚誅之戮宗族黨
與凡二百三十九人縱其民後論功爵賞有差
阿食祿真授位大阿食辭不受以軟良州屈自
郡近賊不汙於亂復七年先是菁州太守廳事
南池中有異鳥身長五尺色黑頭如五歲許兒
喙長一尺五寸目如人喙如受五升許器三日
而死憲昌敗亡兆也聘角干忠恭之女貞嬌為
太子妃涇江山谷間顛木生蘂一夜高十三尺
圍四尺七寸夏四月十三日月色如血秋七月

十二日日有黑暈指南北冬十二月遣柱弼入
唐朝貢

十五年春正月五日西原京有蟲從天而墮九
日有白黑赤三種蟲冒雪能行見陽而止元順
平原二角千七十告老賜几杖二月合水城郡
唐恩縣夏四月十二日流星起天市犯帝座過
天市東北垣織女王良至閣道分為三聲如擊
鼓而滅秋七月雪

十七年春正月憲昌子梵文與高達山賊壽神
等百餘人同謀叛欲立都於平壤攻北漢山州

者督聰明率兵捕殺之

平壤今楊州也
製莊義寺齋文有高麗

舊襄平襄
名山之句

三月武珍州馬彌知縣女人產兒二

頭二身四臂產時天大雷夏五月遣王子金昕
入唐朝貢遂奏言先在大學生崔利貞金叔貞
朴季業等請放還蕃其新赴朝金允夫金立之
朴亮之等一十二人請留宿衛仍請配國子監
習業鴻臚寺給資糧從之秋軟良州獻白烏牛
頭州大楊管郡黃知柰麻婁一產二男二女賜
租一百石

十八年秋七月命牛岑太守白永徵漢山北諸

州郡入一萬築沮江長城三百里冬十月王薨

謚曰憲德葬于泉林寺北

古記云在位十八年實曆二年丙午四月

卒新唐書云長慶寶曆間羅三彥昇卒而資理通鑑及舊唐書皆云大和五年卒豈其誤耶

興德王立諱秀宗後改為景徽憲德王同母弟

也冬十二月妃章和夫人卒追封為定穆王后

王思不能忘悵然不樂羣臣表請再納妃王曰

隻鳥有喪匹之悲况失良匹何忍無情遽再娶

乎遂不從亦不親近女侍左右使令唯宦豎而

已章和姓金氏昭

二年春正月親祀神宮唐文宗聞王薨廢朝命

太子左諭德兼御史中丞源寂持節吊祭仍冊
立嗣王為開府儀同三司檢校太尉使持節大
都督雞林州諸軍事兼持節充寧海軍使新羅
王母朴氏為大妃妻朴氏為妃三月高句麗僧
丘德入唐賣經至王集諸寺僧徒出迎之夏五
月降霜秋八月太白晝見京都大旱侍中永恭
退

三年春正月大阿食金祐徵為侍中二月遣使
入唐朝貢三月雪深三尺夏四月清海大使弓
福姓張氏一名保阜入唐徐州為軍中小將後歸國

謁王以卒萬人鎮清海

清海今莞島

漢山州瓢川縣

妖人自言有速富之術衆人頗惑之王聞之曰
執左道以惑衆者刑之先王之法也接畀其人
遠島冬十二月遣使入唐朝貢文宗召對于麟
德殿宴賜有差入唐迴使大廉持茶種子來王
使植地理山茶自善德王時有之至於此盛焉
四年春二月以唐恩郡為唐城鎮以沙食極正
往守之
五年夏四月王不豫祈禱仍許度僧一百五十
人冬十二月遣使入唐朝貢

六年春正月地震侍中祐徵免伊飡允芬為侍
中二月遣王子金能儒并僧九入朝唐秋七月
入唐進奉使能儒等一行入迴次渤海冬十一
月遣使入唐朝貢

七年春夏旱赤地王避正殿減常膳赦内外獄
囚秋七月乃雨八月飢荒盜賊遍起冬十月王
命使安撫之

八年春國內大飢夏四月王謁始祖廟冬十月
桃李再華民多疫死十一月侍中名芬退

九年春正月祐徵復為侍中秋九月王幸西兄

山下大閱御武平門觀射冬十月巡幸國南州
郡存問耆老及鰥寡孤獨賜穀布有差

十年春二月拜阿飡金均貞為上大等侍中祐
徵以父均貞入相表乞解職大阿飡金明為侍
中

十一年春正月辛丑朔日有食之遣王子金義
琮如唐謝恩兼宿衛夏六月星孛于東秋七月
太白犯月冬十二月王薨謚曰興德朝廷以遺
言合葬章和王妃之陵僖康王立諱悌隆
一云悌顯
元聖大王孫伊飡憲貞
一云草奴之子也母包道夫

入妃文穆夫人葛文王忠恭之女初興德王之薨也其堂弟均貞堂弟之子悌隆皆欲為君於是侍中金明阿食利弘裴萱伯等奉悌隆阿食祐徵與姪禮徵及金陽奉其父均貞一時入內相戰金陽中箭與祐徵等逃走均貞遇害而後悌隆乃得即位

二年春正月大赦獄囚誅死已下追封考為翬成大王母朴氏為順成太后拜侍中金明為上大等阿食利弘為侍中夏四月唐文宗放還宿衛王子金義琮阿食祐徵以父均貞遇害出然

言金明利弘等不平之五月祐徵懼禍及與妻
子奔黃山津口乘舟往依於清海鎮大使弓福
六月均貞妹婿阿食禮徵與阿食良順亡投於
祐徵唐文宗賜宿衛金忠信等錦綵有差

三年春正月上大等金明侍中利弘等興兵作
亂害王左右王知不能自全乃縊於宮中謚曰
僖康葬于蘇山

閔哀王立姓金氏諱明元聖大王之曾孫也大
阿食忠恭之子累官為上大等與侍中利弘逼
王殺之自立為王追謚考為宣康大王母朴氏

貴寶夫人為宣懿太后妻金氏為允容王后拜
伊食金貴為上大等阿食憲崇為侍中二月金
陽募集兵士入清海鎮謁祐徵阿食祐徵在清
海鎮聞金明篡位謂鎮大使弓福曰金明弑君
自立利弘枉殺君父不可共戴天也願仗將軍
之兵以報君父之讎弓福曰古人有言見義不
為無勇吾雖庸劣唯命是從遂分兵五千人與
其友鄭年曰非子不能平禍亂冬十二月金陽
為平東將軍與閩長張弁鄭年駱金張建榮李
順行統軍至武州鐵冶縣王使大監金敏周出

軍迎戰遣駱金李順行以馬軍三千突擊殺傷
殆盡

二年春閏正月晝夜兼行十九日至子達伐之
丘王聞兵至命伊食大斯大阿食允璘疑勛等
將兵拒之又一戰大克王軍死者過半時王在
西郊大樹之下左右皆散獨立不知所為奔入
月遊宅兵士尋而害之羣臣以禮葬之謚曰閔
哀

神武王立諱祐徵元聖大王孫均貞上大等之
子僖康王之從弟也禮徵等既清宮禁備禮迎

之即位追尊祖伊食禮英

一云孝真

為惠康大王考

為成德大王母朴氏真矯夫人為憲穆太后立
子慶膺為太子封清海鎮大使弓福為感義軍
使食實封二千戶利弘懼棄妻子遁山林王遣
騎士追捕殺之秋七月遣使如唐遺淄青節度
使奴婢帝聞之矜遠人詔令歸國王寢疾夢利
弘射中背既寤瘡發背至是月二十三日薨謚
曰神武葬于弟兄山西北

論曰歐陽子之論曰魯桓公弑隱公而自立者
宣公弑子赤而自立者鄭厲公逐世子忽而自

立者衛公孫剽逐其君衍而自立者聖人於春秋皆不絕其為君各傳其實而使後世信之則四君之罪不可得而掩耳則人之為惡庶乎其息矣羅之彥昇弑哀莊而即位金明弑僖康而即位祐徵弑閔哀而即位今皆書其實亦春秋之志也

三國史記卷第十一

翰忠定難靖國資化同德功臣開府儀同三司檢校太師守太保門下侍中判尚

書事兼史禮部事集賢殿太學士監修國史上柱國致仕臣金富軾奉宣撰

新羅本紀第十一

文聖王
憲康王

憲安王
定康王

景文王
真聖王

文聖王立諱慶膺神武王太子母貞繼夫人云一

定宗
太后

八月大赦教曰清海鎮大使弓福嘗以兵

助神考滅先朝之巨賊其功烈可忘耶乃拜為
鎮海將軍兼賜章服。

二年春正月以禮徵為上大等義琮為侍中良
順為伊食自夏四月至六月不雨唐文宗勅鴻

三國史記卷一百一
臚寺放還質子及年滿合歸國學生共一百五
人冬饑

三年春京都疾疫一吉食弘弼謀叛事發逃入
海島捕之不獲秋七月唐武宗勅歸國新羅官
前入新羅宣慰副使充兗州都督府司馬賜緋
魚袋金雲卿可淄州長史仍為使冊王為開府
儀同三司檢校大尉使持節大都督雞林州諸
軍事兼持節充寧海軍使上柱國新羅王妻朴
氏為王妃

四年春三月納併食魏所之女為妃

五年春正月侍中義琮病免伊儉良順為侍中
秋七月五虎入神宮園

六年春二月甲寅朔日有食之太白犯鎮星三
月京都雨雹侍中良順退大阿儉金茹為侍中
秋八月置穴口鎮以阿儉啓弘為鎮頭

七年春三月欲娶清海鎮大使弓福女為次妃
朝臣諫曰夫婦之道人之大倫也故夏以塗山
興殷以嫫氏昌周以褒姒滅晉以驪姬亂則國
之存亡於是乎在其可不慎乎今弓福海島人
也其女豈可以配王室乎王從之冬十一月雷

無雪十二月朔三日並出

八年春清海弓福怨王不納女據鎮叛朝廷將討之則恐有不測之患將置之則罪不可赦憂慮不知所圖武州人閻長者以勇壯聞於時來告曰朝廷幸聽臣臣不煩一卒持空拳以斬弓福以獻王從之閻長佯叛國投清海弓福愛壯士無所猜疑引為上客與之飲極歡及其醉奪弓福劒斬訖召其衆說之伏不敢動

九年春二月重修平議臨海二殿夏五月伊食良順波珍食興宗等叛伏誅秋八月封王子為

王太子侍中金茹卒伊食魏昕為侍中

十年春夏旱侍中魏昕退波珍食金啓明為侍中冬十月天有聲如雷

十一年春正月上大等禮徵卒伊食義正為上大等秋九月伊食金式大昕等叛伏誅大阿食昕鄰緣坐罪

十二年春正月土星入月京都雨土大風拔木赦獄囚誅死已下

十三年春二月罷清海鎮徙其人於碧骨郡夏四月隕霜入唐使阿食元弘賣佛經并佛牙來

王出郊迎之

十四年春二月波珍食真亮為熊川都督調府
火秋七月重修鳴鶴樓冬十一月王太子卒

十五年夏六月大水秋八月西南州郡蝗

十七年春正月發使撫問西南百姓冬十二月
珍閣省災土星入月

十九年秋九月王不豫降遺詔曰寡人以眇末
之資處崇高之位上恐獲罪於天鑑下慮失望
於人心夙夜兢兢若涉淵冰賴三事大夫百辟
卿士左右挾維不墜重器今者忽染疾疹至于

旬日恍惚之際恐先朝露惟祖宗之大業不可以無主軍國之萬機不可以暫廢顧惟舒弗邯誼靖先皇之令孫寡人之叔父孝友明敏寬厚仁慈久處古衡挾贊王政上可以祗奉宗廟下可以撫育蒼生爰釋重負委之賢德付託得人夫復何恨况生死始終物之大期壽夭脩短命之常分逝者可以達理存者不必過哀伊爾多士竭力盡忠送往事居罔或違禮布告國內明知朕懷越七日薨謚曰文聖葬于孔雀趾
憲安王立諱誼靖

祐靖

云神武王之異母弟也母

三國志卷之十一
照明夫人宣康王之女以文聖顧命即位大赦
拜伊食金安為上大等

二年春正月親祀神宮夏四月降霜自五月至
秋七月不雨唐城郡南河岸有大魚出長四十
步高六丈

三年春穀貴人饑王遣使賑救夏四月教修完
隄防勸農

四年秋九月王會羣臣於臨海殿王族膺廉年
十五歲預坐焉王欲觀其志忽問曰汝游學有
日矣得無見善人者乎答曰臣嘗見三人竊以

為有善行也王曰何如曰一高門子弟其與人
也不自先而處於下一家富於財可以侈衣服
而常以麻紵自喜一有勢榮而未嘗以其勢加
人臣所見如此王聞之默然與王后耳語曰朕
聞人多矣無如膺廉者意以女妻之顧謂膺廉
曰願郎自愛朕有息女使之薦枕更置酒同飲
從容言曰吾有二女兄今年二十歲弟十九歲
惟郎所娶膺廉辭不獲起拜謝便歸家告父母
父母言聞王二女容色兄不如弟若不得已宜
娶其弟然尚疑未決乃問興輪寺僧僧曰娶兄

則有三益弟則反是有三損膺廉乃奏臣不敢
自決惟王命是從於是王長女出降焉
五年春正月王寢疾彌留謂左右曰寡人不幸
無男子有女吾邦故事雖有善德真德二女主
然近於牝鷄之晨不可法也甥膺廉年雖幼少
有老成之德卿等立而事之必不墜祖宗之令
緒則寡人死且不朽矣是月二十九日薨謚曰
憲安葬于孔雀趾

景文王立諱膺廉

膺一作疑

僖康王子啓明阿食之

子也母曰光

和光義

夫人妃金氏寧花夫人

元年三月王御武平門大赦
二年春正月以伊飡金正為上大等阿飡魏珍
為侍中二月王親祀神宮秋七月遣使如唐貢
方物八月入唐使阿飡富良等一行入溺沒
三年春二月王幸國學令博士已下講論經義
賜物有差冬十月桃李華十一月無雪納寧花
夫人弟為次妃異日王問興輪寺僧曰師前所
謂三益者何也對曰當時王及王妃喜其如意
寵愛浸深一也因此得繼大位二也卒得娶婦
所求季女三也王大笑

四年春二月王幸感恩寺望海夏四月日本國使至

五年夏四月唐懿宗降使太子右諭德御史中丞胡歸厚使副光祿主簿兼監察御史裴光等吊祭先王兼賻贈一千匹冊立王為開府儀同三司檢校太尉持節大都督雞林州諸軍事上柱國新羅王仍賜王官誥一道旌節一副錦綵五百匹衣二副金銀器七事賜王妃錦綵五十匹衣一副銀器二事賜王太子錦綵四十匹衣一副銀器一事賜大宰相錦綵三十匹衣一副

銀器一事賜次宰相錦綵二十匹衣一副銀器一事

六年春正月封王考為懿恭大王母朴氏光和夫人為光懿王太后夫人金氏為文懿王妃立王子最為王太子十五日幸皇龍寺看燈仍賜燕百寮冬十月伊飡允興與弟叔興季興謀逆事發覺走岱山郡王命追捕斬之夷一族
七年春正月重修臨海殿夏五月京都疫秋八月大水穀不登冬十月發使分道撫問十二月客星犯太白

八年春正月伊飡金銳金鉉等謀叛伏誅夏六月震皇龍寺塔秋八月重修朝元殿

九年秋七月遣王子蘇判金胤等入唐謝恩兼進奉馬二匹麩金一百兩銀二百兩牛黃十五兩人參一百斤大花魚牙錦一十匹小花魚牙錦一十匹朝霞錦二十匹四十升白氎布四十匹三十升紵衫段四十匹四尺五寸頭髮百五十兩三尺五寸頭髮三百兩金釵頭五色綦帶并班臂各一十條鷹金鑲鏃子并紛鎔紅帽二十副新樣鷹金鑲鏃子紛鎔五色帽三十副鷹

銀鏤鏹子紛鎔紅帽二十副新樣鷹銀鏤鏹子
紛塔五色帽三十副鷄子金鏤鏹子紛鎔紅帽
二十副新樣鷄子金鏤鏹子紛鎔五色帽三十
副鷄子銀鏤鏹子紛鎔紅帽二十副新樣鷄子
銀鏤鏹子紛鎔五色帽三十副金花鷹鈴子二
百顆金花鷄子鈴子二百顆金鏤鷹尾筒五十
雙金鏤鷄子尾筒五十雙銀鏤鷹尾筒五十雙
銀鏤鷄子尾筒五十雙繫鷹緋纈皮一百雙繫
鷄子緋纈皮一百雙瑟瑟鈿金針筒三十具金
花銀針筒三十具針一千五百又遣學生李同

三國志卷之十一
等三人隨進奉使金匱入唐習業仍賜買書銀
三百兩

十年春二月遣沙飡金因入唐宿衛夏四月京
都地震五月王妃卒秋七月大水冬無雪國人
多疫

十一年春正月王命有司改造皇龍寺塔二月
重修月上樓

十二年春二月親祀神宮夏四月京都地震秋
八月國內州郡蝗害穀

十三年春民饑且疫王發使賑救秋九月皇龍

寺塔成九層高二十二丈

十四年春正月上大等金正卒以侍中魏珍為
上大等蘭興為侍中夏四月唐僖宗降使宣諭
五月伊滄近宗謀逆犯闕出禁軍擊破之近宗
與其黨夜出城追獲之車裂秋九月重修月正
堂崔致遠在唐登科

十五年春二月京都及國東地震星孛于東二
十日乃滅夏五月龍見王宮井須臾雲霧四合
飛去秋七月八日王薨謚曰景文

憲康王立諱晟景文王之太子母文懿王后妃

懿明夫人王性聰敏愛看書目所一覽皆誦於口即位拜伊食魏弘為上大等大阿食又謙為侍中大赦內外殊死已下

二年春二月皇龍寺齋僧設百高座講經王親幸聽之秋七月遣使入唐貢方物

三年春正月我太祖大王生於松岳郡

四年夏四月唐僖宗降使冊封王為使持節開府儀同三司檢校大尉大都督鷄林州諸軍事新羅王秋七月遣使朝唐聞黃巢賊起乃止八月日本國使至王引見於朝元殿

五年春二月幸國學命博士已下講論三月巡幸國東州郡有不知所從來四人詣駕前歌舞形容可駭衣巾詭異時人謂之山海精靈古記謂王

即位元年

夏六月一吉飡信弘叛伏誅冬十月御

遵禮門觀射十一月獵穴城原

六年春二月太白犯月侍中又譙退伊食敏恭為侍中秋八月熊州進嘉禾九月九日王與左右登月上樓四望京都民屋相屬歌吹連聲王顧謂侍中敏恭曰孤聞今之民間覆屋以瓦不以茅炊飯以炭不以薪有是耶敏恭對曰臣亦

嘗聞之如此因奏曰上即位以來陰陽和風雨
順歲有年民足食邊境謐靜市井歡娛此聖德
之所致也王欣然曰此卿等輔佐之力也朕何
德焉
七年春三月燕羣臣於臨海殿酒酣上鼓琴左
右各進歌詞極歡而罷

八年夏四月日本國王遣使進黃金三百兩明
珠一十箇冬十二月枯彌縣女一產三男

九年春二月王幸三郎寺命文臣各賦詩一首

十年春二月虎入宮庭三月崔致遠還冬十

月壬子太白晝見遣使入唐賀破黃巢賊

十二年春北鎮奏狄國人入鎮以片木掛樹而歸遂取以獻其木書十五字云寶露國與黑水國人共向新羅國和通夏六月王不豫赦國內獄囚又於皇龍寺設百高座講經秋七月五日薨謚曰憲康葬菩提寺東南

定康王立諱晃景文王之第二子也八月拜伊飡俊興為侍中國西旱且荒
二年春正月設百座於皇龍寺親幸聽講漢州伊飡金堯叛發兵誅之夏五月王疾病謂侍中

俊興曰孤之病革矣必不復起不幸無嗣子然
妹曼天資明銳骨法似丈夫卿等宜倣善德真
德古事立之可也秋七月五日薨謚曰定康葬
菩提寺東南

真聖王立諱曼憲康王之女弟也

崔致遠文集
第二卷謝追

贈表云臣坦言伏奉制旨追贈亡父臣窳為太
師亡兄臣曼為太傅又納旌節來云臣長兄國

王曼以去光啓三年七月五日奄御聖代臣姪
男曉生未周時臣仲兄晃權統藩垣又未經暮

月遠謝明時以此言之景文王諱窳本紀則云
膺庶真聖王諱垣本紀則云曼又定康王晃以

光啓三年薨皆不知孰是大赦復諸州郡一年租稅

設百座皇龍寺親幸聽法冬無雪

二年春二月少梁里石自行王素與角干魏弘
通至是常入內用事仍命與大矩和尚修集鄉
歌謂之三代目云及魏弘卒追謚為惠成大王
此後潜引少年美丈夫兩三人淫亂仍授其人
以要職委以國政由是佞倖肆志貨賂公行賞
罰不公紀綱壞弛時有無名子欺謗時政構辭
榜於朝路王命人搜索不能得或告王曰此必
文人不得志者所為殆是大耶州隱者巨仁耶
王命拘巨仁京獄將刑之巨仁憤怨書於獄壁
曰于公慟哭三年旱鄒衍含悲五月霜今我幽

愁還似古皇天無語但蒼蒼其夕忽雲霧震雷
雨雹王懼出巨仁放歸三月戊戌朔日有食之
王不豫錄囚徒赦殊死已下許度僧六十人王
疾乃瘳夏五月旱

三年國內諸州郡不輸貢賦府庫虛竭國用窮
乏王發使督促由是所在盜賊蜂起於是元宗
哀奴等據沙伐州叛王命柰麻令奇捕捉令奇
望賊壘畏不能進村主祐連力戰死之王下勅
斬令奇祐連子年十餘歲嗣為村主

四年春正月日暈五重十五日幸皇龍寺看燈

五年冬十月北原賊帥梁吉遣其佐弓裔領百餘騎襲北原東部落及溟州管内酒泉等十餘郡縣。

六年完山賊甄萱據州自稱後百濟武州東南郡縣降屬。

七年遣兵部侍郎金處誨如唐納旌節沒於海八年春二月崔致遠進時務一十餘條王嘉納之拜致遠為阿飡冬十月弓裔自北原入何瑟羅衆至六百餘人自稱將軍九年秋八月弓裔擊取猪是狴川二郡又破漢

州管內夫若鐵園等十餘郡縣冬十月立憲康
王庶子曉為太子初憲康王觀獵行道傍見一
女子姿質佳麗王心愛之命後車載到帷宮野
合即有娠而生子及長體貌魁傑名曰曉真聖
聞之喚入內以手撫其背曰孤之兄弟姊妹骨
法異於人此兒背上兩骨隆起真憲康王之子
也仍命有司備禮封崇

十年賊起國西南赤其袴以自異人謂之赤袴
賊屠害州縣至京西部牟梁里劫掠人家而去
十一年夏六月王謂左右曰近年以來百姓困

窮盜賊蜂起此孤之不德也避賢讓位吾意決矣禪位於太子曉於是遣使入唐表奏曰臣某言居羲仲之官非臣素分守延陵之節是臣良圖以臣姪男曉是臣亡兄最息年將志學器可興宗不假外求爰從內舉近已傳權藩寄用靖國災冬十二月乙巳王薨於北宮謚曰真聖葬于黃山

州管內夫若鐵圓等十餘郡縣冬十月立憲康
王庶子嶢為太子初憲康王觀獵行道傍見一
女子姿質佳麗王心愛之命後車載到帷宮野
合即有娠而生子及長體貌魁傑名曰嶢真聖
聞之喚入內以手撫其背曰孤之兄弟姊妹骨
法異於人此兒背上兩骨隆起真憲康王之子
也仍命有司備禮封崇

十年賊起國西南赤其袴以自異人謂之赤袴
賊屠害州縣至京西部牟梁里劫掠人家而去
十一年夏六月王謂左右曰近年以來百姓困

窮盜賊蜂起此孤之不德也避賢讓位吾意決
矣禪位於太子曉於是遣使入唐表奏曰臣某
言居羲仲之官非臣素分守延陵之節是臣良
圖以臣姪男曉是臣亡兄最息年將志學器可
興宗不假外求爰從內舉近已傳權藩寄用靖
國災冬十二月乙巳王薨於北宮謚曰真聖葬
于黃山

三國史記卷第十一

三國史記卷第十二

輸忠定難靖國贊化同德功臣開府儀同三司檢校太師守太保門下侍中判尚

書事兼吏禮部事集賢殿大學士監修國史上柱國致仕臣金富軾奉宣撰

新羅本紀第十二

孝恭王 景哀王 神德王 景明王 敬順王

孝恭王立諱曉憲康王之庶子母金氏大赦增文武百官爵一級

二年春正月尊母金氏為義明王太后以舒弗
部俊興為上大等阿飡繼康為侍中秋七月弓
裔取沮西道及漢山州管内三十餘城遂都於
松岳郡

三年春三月納伊飡又譙之女為妃秋七月北
原賊帥梁吉忌弓裔貳已與國原等十餘城主
謀攻之進軍於非惱城下梁吉兵潰走
四年冬十月國原菁州槐壤賊帥清吉莘萱等
舉城投於弓裔

五年弓裔稱王秋八月後百濟王甄萱攻大耶
城不下移軍錦城之南奪掠沿邊部落而歸

六年春三月降霜以大阿飡孝宗為侍中

七年弓裔欲移都到鐵圓斧壤周覽山水

八年弓裔設百官依新羅制

所制官號雖因
羅制設有異者國

號摩震年號武泰元沮江道十餘州縣降於弓裔

九年春二月星隕如雨夏四月降霜秋七月弓裔移都於鐵圓八月弓裔行兵侵奪我邊邑以至竹嶺東北王聞疆場日削甚患然力不能禦命諸城主慎勿出戰堅壁固守

十年春正月以波珍食金成為上大等三月前入唐及第金文蔚官至工部員外郎沂王府諮議參軍充冊命使而還自夏四月至五月不雨十一年春夏無雨一善郡以南十餘城盡為甄

萱所取

十二年春二月星孛于東三月隕霜夏四月雨

雹

十三年夏六月弓裔命將領兵船降珍島郡又

破臯夷島城

十四年甄萱躬率步騎三千圍羅州城經旬不

解弓裔發水軍襲擊之萱引軍而退

十五年春正月丙戌朔日有食之王嬖於賤妾

不恤政事大臣殷影諫不從影執其妾殺之弓

裔改國號泰封年號水德萬歲

十六年夏四月王薨謚曰孝恭葬于師子寺北
神德王立姓朴氏諱景暉阿達羅王遠孫父又
蕪一云銳謙事定康大王為大阿食母貞和夫人妃
金氏憲康大王之女孝恭王薨無子為國人推
戴即位

元年五月追尊考為宣聖大王母為貞和太后
妃為義成王后立子昇英為王太子拜伊食繼
康為上大等

二年夏四月隕霜地震

三年春三月隕霜弓裔改水德萬歲為政開元

年四年夏四月槩浦水與東海水相擊浪高二
十丈許三日而止

五年秋八月甄萱攻大耶城不克冬十月地震
聲如雷

六年春正月太白犯月秋七月王薨謚曰神德
葬于竹城

景明王立諱昇英神德王之太子母義成王后
元年八月拜王弟伊飡魏膺為上大等大阿飡
裕廉為侍中

二年春二月一吉飡玄昇叛伏誅夏六月弓裔

麾下人心忽變推戴太祖弓裔出奔為下所
殺太祖即位稱元秋七月尚州賊帥阿茲蓋
遣使降於太祖
三年四天王寺塑像所執弓弦自絕壁畫狗子
有聲若吠者以上大等金成為角食侍中彥邕
為沙食我太祖移都松岳郡
四年春正月王與太祖交聘修好二月康州
將軍閔雄降於太祖冬十月後百濟主甄萱
率步騎一萬攻陷大耶城進軍於進禮王遣阿
食金律求援於太祖太祖命將出師救之萱

聞乃去

五年春正月金律告王曰臣往年奉使高麗麗
王問臣曰聞新羅有三寶所謂丈六尊像九層
塔并聖帶也像塔猶存不知聖帶今猶在耶臣
不能荅王聞之問羣臣曰聖帶是何寶物耶無
能知者時有皇龍寺僧年過九十者曰予嘗聞
之寶帶是真平大王所服也歷代傳之藏在南
庫王遂令開庫不能得見乃以別日齋祭然後
見之其帶粧以金玉甚長非常人所可束也
論曰古者坐明堂執傳國璽列九鼎其若帝王

之盛事者也而韓公論之曰歸天入之心興太
平之基決非三器之所能也豎三器而為重者
其誇者之詞耶況此新羅所謂三寶亦出於人
為之侈而已為國家何須此耶孟子曰諸侯之
寶三土地人民政事楚書曰楚國無以為寶惟
善以為寶若此者行之於內足以善一國推之
於外足以澤四海又何外物之足云哉
太祖聞羅人之說而問之耳非以為可尚者也
二月棘鞬別部達姑衆來寇北邊時太祖將
堅權鎮朔州率騎擊大破之匹馬不還王喜遣

使移書謝於太祖夏四月京都大風拔樹秋
八月蝗旱太祖夏四月京都大風拔樹秋
六年春正月下枝城將軍元逢溟州將軍順式
降於太祖太祖念其歸順以元逢本城為
順州賜順式姓曰王是月真寶城將軍洪述降
於太祖太祖念其歸順以元逢本城為
七年秋七月命旨城將軍城達京山府將軍良
文等降於太祖王遣倉部侍郎金樂錄事參
軍金幼卿朝後唐貢方物莊宗賜物有差
八年春正月遣使入後唐朝貢泉州節度使王

逢規亦遣使貢方物夏六月遣朝散大夫倉部
侍郎金岳入後唐朝貢莊宗授朝議大夫試衛
尉卿秋八月王薨謚曰景明葬于黃福寺北
太祖遣使吊祭

景哀王立諱魏膺景明王同母弟也

元年九月遣使聘於太祖冬十月親祀神宮
大赦

二年冬十月高鬱府將軍能文授於太祖勞
諭還之以其城迥近新羅王都故也十一月後
百濟主甄萱以姪真虎質於高麗王聞之使謂

太祖曰甄萱反覆多詐不可和親太祖然

之

三年夏四月真虎暴死萱謂高麗入故殺怒舉
兵進軍於熊津太祖命諸城堅壁不出王遣
使曰甄萱違盟舉兵天必不祐若大王奮一鼓
之威甄萱必自破矣太祖謂使者曰吾非畏
萱侯惡盈而自殭耳

四年春正月太祖親征百濟王出兵助之二
月遣兵部侍郎張芬等入後唐朝貢唐授張芬
檢校工部尚書副使兵部郎中朴術洪蕪御史

中丞判官倉部員外郎李忠式兼侍御史三月
皇龍寺塔搖動北傾太祖親破近巖城唐明
宗以權知康州事王逢規為懷化大將軍夏四
月知康州事王逢規遣使林彥入後唐朝貢明
宗召對中興殿賜物康州所管安山等四鄉歸
於太祖秋九月甄萱侵我軍於高鬱府王請
救於太祖命將出勁兵一萬往救甄萱以救
兵未至以冬十一月掩入王京王與妃嬪宗戚
遊鮑石亭宴娛不覺賊兵至倉猝不知所為王
與妃奔入後宮宗戚及公卿大夫士女四散奔

走逃竄其為賊所虜者無貴賤皆駭汗匍匐乞
為奴僕而不免萱又縱其兵剽掠公私財物略
盡入處宮闕乃命左右索王王與妃妾數人在
後宮拘致軍中逼令王自盡強淫王妃縱其下
亂其妃妾乃立王之族弟權知國事是為敬順
王

敬順王立諱傳文聖大王之裔孫孝宗伊飡之
子也母桂娥太后為甄萱所舉即位舉前王屍
殯於西堂與羣下慟哭上謚曰景哀葬南山蟹
目嶺太祖遣使吊祭

元年十一月追尊考為神興大王母為王太后
十二月甄萱侵大水郡燒盡田野積聚

二年春正月高麗將金相與草入城賊興宗戰
不克死之夏五月康州將軍有文降於甄萱六
月地震秋八月甄萱命將軍官昕築城於陽山
太祖命命旨城將軍王忠率兵擊走之甄萱進
屯於大耶城下分遣軍士芟取大木郡禾稼冬
十月甄萱攻陷武谷城

三年夏六月天竺國三藏摩睺羅抵高麗秋七
月甄萱攻義成府城高麗將洪述出戰不克死

三國史記卷十二
之順州將軍元逢降於甄萱 太祖聞之怒然
以元逢前功宥之但改順州為縣冬十月甄萱
圍加恩縣不克而歸

四年春正月載巖城將軍善弼降高麗 太祖
厚禮待之稱為尚父初 太祖將通好新羅善
弼引導之至是降也念其有功且老故寵褒之
太祖與甄萱戰古昌郡瓶山之下大捷殺虜甚
衆其永安河曲直明松生等三十餘郡縣相次
降於 太祖二月 太祖遣使告捷王報聘兼
請相會秋九月國東公海州都部落盡降於

太祖

五年春二月 太祖率五十餘騎至京畿通謁
王與百官郊迎入宮相對曲盡情禮置宴於臨
海殿酒酣王言曰吾以不天寢致禍亂甄萱恣
行不義喪我國家何痛如之因泫然涕泣左右
無不嗚咽 太祖亦流涕慰藉因留數旬迴駕
王送至穴城以堂弟裕廉為質隨駕馬 太祖
麾下軍士肅正不犯秋毫都人士女相慶曰昔
甄氏之來也如逢豺虎今王公之至也如見父
母秋八月 太祖遣使遺王以錦彩鞍馬并賜

羣僚將士布帛有差

六年春正月地震夏四月遣使執事侍郎金拙
副使司賓卿李儒入唐朝貢

七年唐明宗遣使高麗錫命

八年秋九月老人星見運州界三十餘郡縣降

於太祖

九年冬十月王以四方土地盡為他有國弱勢
孤不能自安乃與羣下謀舉土降太祖羣臣
之議或以為可或以為不可王子曰國之存亡
必有天命只合與忠臣義士收合民心自固力

盡而後已豈宜以一千年社稷一旦輕以與人
王曰孤危若此勢不能全既不能強又不能弱
至使無辜之民肝腦塗地吾所不能忍也乃使
侍郎金封休賫書請降於太祖王子哭泣辭
王徑歸皆骨山倚巖為屋麻衣草食以終其身
十一月太祖受王書送大相王鐵等迎之王
率百寮發自王都歸于太祖香車寶馬連亘
三十餘里道路填咽觀者如堵太祖出郊迎
勞賜宮東甲第一區以長女樂浪公主妻之十
二月封為正承公位在太子之上給祿一千石

侍從貧將皆錄用之改新羅為慶州以為公之
食邑初新羅之降也太祖甚喜既待之以厚
禮使告曰今王以國與寡人其為賜大矣願結
昏於宗室以永甥舅之好答曰我伯父億萬
千知大耶郡事其女子德容雙美非是無以備
內政太祖遂取之生子是顯宗之考追封
為安宗至景宗獻和大王聘正承公女納為
王妃仍封正承公為尚父令公至大宋興國四
年戊寅薨謚曰敬順一云考哀國人自始祖至此分
為三代自初至真德二十八王謂之上代自武

烈至惠恭八王謂之中代自宣德至敬順二十
王謂之下代云

論曰新羅朴氏昔氏皆自卯生金氏從天入金
櫝而降或云乘金車此尤詭怪不可信然世俗
相傳為之實事政和中我朝遣尚書李資諒

入宋朝貢臣富軾以文翰之任輔行詣佑神館
見一堂設女仙像館伴學士王黼曰此貴國之
神公等知之乎遂言曰古有帝室之女不夫而
孕為人所疑乃泛海抵辰韓生子為海東始主
帝女為地仙長在仙桃山此其像也臣又見大

宋國信使王襄祭東神聖母文有娠賢肇邦之
句乃知東神則仙桃山神聖者也然而不知其
子王於何時今但原厥初在上者其為已也儉
其為人也寬其設官也略其行事也簡以至誠
事中國梯航朝聘之使相續不絕常遣子弟造
朝而宿衛入學而講習于以襲聖賢之風化革
鴻荒之俗為禮義之邦又憑王師之威靈平百
濟高句麗取其地郡縣之可謂盛矣而奉浮屠
之法不知其弊至使閭里比其塔廟齊民逃於
緇褐兵農侵小而國家日衰則幾何其不亂且

亡也哉於是時也景哀加之以荒樂與宮人左右出遊鮑石亭置酒燕衍不知甄萱之至與夫門外韓擒虎樓頭張麗華無以異矣若敬順之歸命太祖雖非獲已亦可嘉矣向若力戰守死以抗王師至於力屈勢窮則必覆其宗族害及于無辜之民而乃不待告命封府庫籍郡縣以歸之其有功於朝廷有德於生民甚大昔錢氏以吳越入宋蘇子瞻謂之忠臣今新羅功德過於彼遠矣我太祖妃嬪衆多其子孫亦繁衍而顯宗自新羅外孫即寶位此後繼統者

皆其子孫豈非陰德之報者歟

三國史記卷第十二

三國史記卷第十三

輸忠定難靖國資化同德功臣開府儀同三司檢校太師守太保門下侍中判尚書事兼吏禮部事集賢殿太學士監修國史上柱國致仕臣金富軾奉宣撰

高句麗本紀第一

始祖東明聖王琉璃王

始祖東明聖王姓高氏諱朱蒙

一云鄒一云象解

先是

扶餘王解夫妻老無子祭山川求嗣其所御馬

至鯤淵見大石相對流淚王怪之使人轉其石

有小兒金色蛙形

蛙一作蝸

王喜曰此乃天賚我令

胤乎乃收而養之名曰金蛙及其長立為太子

後其相阿蘭弗曰日者天降我曰將使吾子孫

立國於此汝其避之東海之濱有地號曰迦葉
原土壤膏腴宜五穀可都也阿蘭弗遂勸王移
都於彼國號東扶餘其舊都有人不知所從來
自稱天帝子解慕漱來都焉及解夫妻薨金蛙
嗣位於是時得女子於太白山南優漱水問之
曰我是河伯之女名柳花與諸弟出遊時有一
男子自言天帝子解慕漱誘我於熊心山下鴨
渌邊室中私之即往不返父母責我無媒而從
人遂謫居優漱水金蛙異之幽閉於室中為日
所炤引身避之日影又逐而炤之因而有孕生

一卵大如五升許王棄之與犬豕皆不食又棄之路中牛馬避之後棄之野鳥覆翼之王欲剖之不能破遂還其母其母以物裹之置於暖處有一男兒破殼而出骨表英奇年甫七歲巍然異常自作弓矢射之百發百中扶餘俗語善射為朱蒙故以名云金蛙有七子常與朱蒙遊戲其技能皆不及朱蒙其長子帶素言於王曰朱蒙非人所生其為人也勇若不早圖恐有後患請除之王不聽使之養馬朱蒙知其駿者而減食令瘦駕者善養令肥王以肥者自乘瘦者給

朱蒙後獵于野以朱蒙善射與其矢小而朱蒙
殪獸甚多王子及諸臣又謀殺之朱蒙母陰知
之告曰國人將害汝以汝才略何往而不可與
其遲留而受辱不若遠適以有為朱蒙乃與鳥

伊摩離陝父等三人為友行至淹流

一名蓋斯水在

今鴨綠東北

欲渡無梁恐為追兵所迫告水曰我是

天帝子河伯外孫今日逃走追者垂及如何於

是魚鼈浮出成橋朱蒙得渡魚鼈乃解追騎不

得渡朱蒙行至毛屯谷

魏書云至音述水

遇三人其一

人着麻衣一人着衲衣一人着水藻衣朱蒙問

曰子等何許人也何姓何名乎麻衣者曰名尋
思衲衣者曰名武骨水藻衣者曰名默居而不
言姓朱蒙賜再思姓克氏武骨仲室氏默居少
室氏乃告於衆曰我方承景命欲啓元基而適
遇此三賢豈非天賜乎遂揆其能各任以事與
之俱至卒本川魏書云至觀其土壤肥美山河
險固遂欲都焉而未遑作宮室但結廬於沸流
水上居之國號高句麗因以高為氏一云朱蒙
餘王無子見朱蒙知非常人時朱蒙年二十二
以其女妻之王薨朱蒙嗣位歲是漢孝元帝建昭二年新羅始祖赫居世二

十一年甲申歲也四方聞之來附者衆其地連
棘鞞部落恐侵盜為害遂攘斥之棘鞞畏服不
敢犯焉王見沸流水中有菜葉逐流下知有人
在上流者因以獵往尋至沸流國其國王松讓
出見曰寡人僻在海隅未嘗得見君子今日邂
逅相遇不亦幸乎然不識吾子自何而來答曰
我是天帝子來都於某所松讓曰我累世為主
地小不足容兩主君立都日淺為我附庸可乎
王忿其言因與之鬪辯亦相射以校藝松讓不
能抗

二年夏六月松讓以國來降以其地為多勿都
封松讓為主麗語謂復舊土為多勿故以名焉
三年春三月黃龍見於鶻嶺秋七月慶雲見鶻
嶺南其色青赤

四年夏四月雲霧四起人不辨色七日秋七月

營作城郭宮室

六年秋八月神雀集宮庭冬十月王命烏伊扶
芬奴伐太白山東南荇人國取其地為城邑
十年秋九月鸞集於王臺冬十一月王命扶尉
獸伐北沃沮滅之以其地為城邑

十四年秋八月王母柳花薨於東扶餘其王金
蛙以太后禮葬之遂立神廟冬十月遣使扶餘
饋方物以報其德

十九年夏四月王子類利自扶餘與其母逃歸
王喜之立為太子秋九月王升遐時年四十歲
葬龍山號東明聖王
琉璃明王立諱類利或云孺留朱蒙元子母禮
氏初朱蒙在扶餘娶禮氏女有娠朱蒙歸後乃
生是為類利幼年出遊陌上彈雀誤破汲水婦
人瓦器婦人罵曰此兒無父故頑如此類利慙

歸問母氏我父何入今在何處母曰汝父非常
入也不見容於國逃歸南地開國稱王歸時謂
予曰汝若生男子則言我有遺物藏在七稜石
上松下若能得此者乃吾子也類利聞之乃往
山谷索之不得倦而還一旦在堂上聞柱礎間
若有聲就而見之礎石有七稜乃搜於柱下得
斷劍一段遂持之與屋智句鄒都祖等三人行
至卒本見父王以斷劍奉之王出已所有斷劍
合之連為一劍王悅之立為太子至是繼位
二年秋七月納多勿侯松讓之女為妃九月西

狩獲白獐冬十月神雀集王庭百濟始祖溫祚立

三年秋七月作離宮於鵲川冬十月王妃松氏薨王更娶二女以繼室一曰禾姬鵲川人之女也一曰雉姬漢人之女也二女爭寵不相和王於涼谷造東西二宮各置之後王田於箕山七日不返二女爭閤禾姬罵雉姬曰汝漢家婢妾何無禮之甚乎雉姬慙恨亡歸王聞之策馬追之雉姬怒不還王嘗息樹下見黃鳥飛集乃感而歌曰翩翩黃鳥雌雄相依念我之獨誰其與

歸

十一年夏四月王謂羣臣曰鮮卑恃險不我和
親利則出抄不利則入守為國之患若有人能
折此者我將重賞之扶芬奴進曰鮮卑險固之
國人勇而愚難以力闔易以謀屈王曰然則為
之柰何荅曰宜使人反間入彼偽說我國小而
兵弱怯而難動則鮮卑必易我不為之備臣俟
其隙率精兵從間路依山林以望其城王使以
羸兵出其城南彼必空城而遠追之臣以精兵
走入其城王親率勇騎挾擊之則可克矣王從

三國志卷之十三
之鮮卑果開門出兵追之扶芬奴將兵走入其
城鮮卑望之大驚還奔扶芬奴當關拒戰斬殺
甚多王舉旗鳴鼓而前鮮卑首尾受敵計窮力
屈降為屬國王念扶芬奴功賞以食邑辭曰此
王之德也臣何功焉遂不受王乃賜黃金三十
斤良馬一十匹

十三年春正月熒惑守心星

十四年春正月扶餘王帶素遣使來聘請交質
子王憚扶餘強大欲以太子都切為質都切恐
不行帶素恚之冬十一月帶素以兵五萬來侵

大雪人多凍死乃去

十九年秋八月郊豕逸王使託利斯卑追之至長屋澤中得之以刀斷其脚筋王聞之怒曰祭天之牲豈可傷也遂投二人坑中殺之九月王疾病巫曰託利斯卑為祟王使謝之即愈

二十年春正月太子都切卒

二十一年春三月郊豕逸王命掌牲薛支逐之至國內尉那巖得之拘於國內人家養之逐見王曰臣逐豕至國內尉那巖見其山水深險地宜五穀又多麋鹿魚鼈之產王若移都則不唯

民利之無窮又可免兵革之患也夏四月王田于尉中林秋八月地震九月王如國內觀地勢還至沙勿澤見一丈夫坐澤上石謂王曰願為王臣王喜許之因賜名沙勿姓位氏

二十一年冬十月王遷都於國內築尉那巖城十二月王田于質山陰五日不返大輔陝父諫曰王新移都邑民不安堵宜孜孜焉刑政之是恤而不念此馳騁田獵久而不返若不改過自新臣恐政荒民散先王之業墜地王聞之震怒罷陝父職俾司官園陝父憤去之南韓

二十三年春二月立王子解明為太子大赦國
肉黃龍王以龍為子故其國人皆呼為龍子
二十四年秋九月王田于箕山之野得異人兩
腋有羽登之朝賜姓羽氏俾尚王女羽氏尚王女
二十七年春正月王太子解明在古都有力而
好勇黃龍國王聞之遣使以強弓為贈解明對
其使者挽而折之曰非予有力弓自不勁耳黃
龍王慙王聞之怒告黃龍曰解明為子不孝請
為寡人誅之三月黃龍王遣使請太子相見太
子欲行人有諫者曰今鄰國無故請見其意不

可測也太子曰天之不欲殺我黃龍王其如我何遂行黃龍王始謀殺之及見不敢加害禮送之
二十八年春三月王遣人謂解明曰吾遷都欲安民以固邦業汝不我隨而恃剛力結怨於鄰國為子之道其若是乎乃賜劔使自裁太子即欲自殺或止之曰大王長子已卒太子正當為後今使者一至而自殺安知其非詐乎太子曰嚮黃龍王以強弓遺之我恐其輕我國家故挽折而報之不意見責於父王今父王以我為不

孝賜劒自裁父之命其可逃乎乃往礪津東原以槍插地走馬觸之而死時年二十一歲以太子禮葬於東原立廟號其地為槍原

論曰孝子之事親也當不離左右以致孝若文王之為世子解明在於別都以好勇聞其於得罪也宜矣又聞之傳曰愛子教之以義方弗納於邪今王始未嘗教之及其惡成疾之已甚殺之而後已可謂父不父子不子矣

秋八月扶餘王帶素使來讓王曰我先王與先君東明王相好而誘我臣逃至此欲完聚以成

國家夫國有大小人有長幼以小事大者禮也
以幼事長者順也今王若能以禮順事我則天
必佑之國祚永終不然則欲保其社稷難矣於
是王自謂立國日淺民孱兵弱勢合忍耻屈服
以圖後効乃與羣臣謀報曰寡人僻在海隅未
聞禮義今承大王之教敢不惟命之從時王子
無恤年尚幼少聞王欲報扶餘言自見其使曰
我先祖神靈之孫賢而多才大王妬害讒之父
王辱之以牧馬故不安而出今大王不念前愆
但恃兵多輕蔑我邦邑請使者歸報大王今有

累卵於此若大王不毀其卵則臣將事之不然則否扶餘王聞之徧問羣下有一老嫗對曰累卵者危也不毀其卵者安也其意曰王不知已危而欲人之來不如易危以安而自理也

二十九年夏六月矛川上有黑蛙與赤蛙羣聞黑蛙不勝死議者曰黑北方之色北扶餘破滅之徵也秋七月作離宮於豆谷

三十一年漢王莽發我兵伐胡吾人不欲行強迫遣之皆亡出塞因犯法為寇遼西大尹田譚追擊之為所殺州郡歸咎於我嚴尤奏言貊人

犯法宜令州郡且慰安之今猥被以大罪恐其
遂叛扶餘之屬必有和者匈奴未克扶餘穢貊
復起此大憂也王莽不聽詔尤擊之尤誘我將
延丕斬之傳首京師

兩漢書及南北史皆云誘勾麗侯騶斬之莽悅

之更名吾王為下句麗侯布告天下令咸知焉
於是寇漢邊地愈甚

三十二年冬十一月扶餘人來侵王使子無恤
率師禦之無恤以兵小恐不能敵設奇計親率
軍伏于山谷以待之扶餘兵直至鶴盤嶺下伏
兵發擊其不意扶餘軍大敗棄馬登山無恤縱

兵盡殺之

三十三年春正月立王子無恤為太子委以軍國之事秋八月王命烏伊摩離領兵二萬西伐梁貊滅其國進兵襲取漢高句麗縣

縣屬玄菟郡

三十七年夏四月王子如津溺水死王哀慟使入求屍不得後沸流入祭須得之以聞遂以禮葬於王骨嶺賜祭須金十斤田十頃秋七月王幸豆谷冬十月薨於豆谷離宮葬於豆谷東原號為琉璃明王

三國史記卷第十三

三國史記卷第十四

翰忠定難靖國資化同德功臣開府儀同三司檢校太師守太保門下侍中判尚書事兼吏禮部事集賢殿太學士監修國史上柱國致仕臣金富軾奉宣撰

高勾麗本紀第二

大武神王
慕本王

閔中王

大武神王立

或云大解
宋留王

諱無恤琉璃王第三子

生而聰慧壯而雄傑有大略琉璃王在位三十三年甲戌立為太子時年十一歲至是即位母松氏多勿國王松讓女也

二年春正月京都震大赦百濟民一千餘戶來授

三年春三月立東明王廟秋九月王田骨句川
得神馬名駉騷冬十月扶餘王帶素遣使送赤
烏一頭二身初扶餘人得此烏獻之王或曰烏
者黑也今變而為赤又一頭二身并二國之徵
也王其燕高句麗乎帶素喜送之燕示或者之
言王與羣臣議答曰黑者北方之色今變而為
南方之色又赤烏瑞物也君得而不有之以送
於我兩國存亡未可知也帶素聞之驚悔
四年冬十二月王出師伐扶餘次沸流水上望
見水涯若有女人昇舁游戲就見之只有舁使

之炊不待火自熱因得作食飽一軍忽有一壯夫曰是鼎吾家物也我妹失之王今得之請負以從遂賜姓負鼎氏抵利勿林宿夜聞金聲向明使人尋之得金璽兵物等曰天賜也拜受之上道有一人身長九尺許面白而目有光拜王曰臣是北溟人怪由竊聞大王北伐扶餘臣請從行取扶餘王頭王悅許之又有人曰臣赤谷人麻盧請以長矛為導王又許之五年春二月王進軍於扶餘國南其地多泥塗王使擇平地為營解鞍休卒無恐懼之態扶餘

王舉國出戰欲掩其不備策馬以前陷淍不能
進退王於是揮怪由怪由拔劔號吼擊之萬軍
披靡不能支直進執扶餘王斬頭扶餘人既失
其王氣力摧折而猶不自屈圍數重王以糧盡
士饑憂懼不知所為乃乞靈於天忽大霧咫尺
不辨人物七日王令作草偶人執兵立營內外
為疑兵從間道潛軍夜出失骨勾川神馬涕流
源大鼎至利勿林兵飢不興得野獸以給食王
既至國乃會羣臣飲至曰孤以不德輕伐扶餘
雖殺其王未滅其國而又多失我軍資此孤之

過也遂親吊死問疾以存慰百姓是以國人感
王德義皆許殺身於國事矣三月神馬駉驤將
扶餘馬百匹俱至鶴盤嶺下車廻谷夏四月扶
餘王帶素弟至曷思水濱立國稱王是扶餘王
金蛙季子史失其名初帶素之見殺也知國之
將亡與從者百餘人至鴨渌谷見海頭王出獵
遂殺之取其百姓至此始都是為曷思王秋七
月扶餘王從弟謂國人曰我先王身亡國滅民
無所依王弟逃竄都於曷思吾亦不肖無以興
復乃與萬餘人來投王封為王安置掾那部以

其背有絡文賜姓絡氏冬十月怪由卒初疾革
王親臨存問怪由言臣北溟微賤之人屢蒙厚
恩雖死猶生不敢忘報王善其言又以有大功
勞葬於北溟山陽命有司以時祀之

八年春二月拜乙豆智為右輔委以軍國之事
九年冬十月王親征蓋馬國殺其王慰安百姓
毋虜掠但以其地為郡縣十二月勾茶國王聞
蓋馬滅懼害及己舉國來降由是拓地浸廣
十年春正月拜乙豆智為左輔松屋句為右輔
十一年秋七月漢遼東太守將兵來伐王會羣

臣問戰守之計右輔松屋句曰臣聞恃德者昌恃力者亡今中國荒儉盜賊蜂起而兵出無名此非君臣定策必是邊將規利擅侵吾邦逆天違人師必無功憑險出奇破之必矣左輔乙豆智曰小敵之強大敵之禽也臣度大王之兵孰與漢兵之多可以謀伐不可力勝王曰謀伐若何對曰今漢兵遠闢其鋒不可當也大王閉城自固待其師老出而擊之可也王然之入尉那巖城固守數旬漢兵圍不解王以力盡兵疲謂豆智曰勢不能守為之柰何豆智曰漢人謂我

三國志卷之十四
巖石之地無水泉是以長圍以待吾人之困宜
取池中鯉魚包以水草兼旨酒若干致犒漢軍
王從之貽書曰寡人愚昧獲罪於上國致令將
軍帥百萬之軍暴露弊境無以將厚意輒用薄
物致供於左右於是漢將謂城內有水不可猝
拔乃報曰我皇帝不以臣鴛下令出師問大王
之罪及境踰旬未得要領今聞來旨言順且恭
敢不藉口以報皇帝遂引退

十三年秋七月買溝谷人尚須與其弟尉須及
堂弟子刀等來投

十四年冬十一月有雷無雪

十五年春三月黜大臣仇都逸荀爽求等三人為庶人此三人為沸流部長資貪鄙奪人妻妾牛馬財貨恣其所欲有不與者即鞭之人皆忿死王聞之欲殺之以東明舊臣不忍致極法黜退而已遂使南部使者鄒毅素代為部長毅素既上任別作大室以處以仇都等罪人不令升堂仇都等詣前告曰吾濟小人故犯王法不勝愧悔願公赦過以令自新則死無恨矣毅素引上之共坐曰人不能無過過而能改則善莫大

焉乃與之為友仇都等感愧不復為惡王聞之
曰穀素不用威嚴能以智懲惡可謂能矣賜姓
曰大室氏夏四月王子好童遊於沃沮樂浪王
崔理出行因見之問曰觀君顏色非常人豈非
北國神王之子乎遂同歸以女妻之後好童還
國潛遣人告崔氏女曰若能入而國武庫割破
鼓角則我以禮迎不然則否先是樂浪有鼓角
若有敵兵則自鳴故令破之於是崔女將利刃
潛入庫中割鼓面角口以報好童好童勸王襲
樂浪崔理以鼓角不鳴不備我兵掩至城下然

後知鼓角皆破遂殺女子出降

或云欲滅樂浪遂請婚娶其女

為子妻後使歸本國壞其兵物

冬十一月王子好童自殺好童

王之次妃曷思王孫女所生也顏容美麗王甚愛之故名好童元妃恐奪嫡為太子乃讒於王曰好童不以禮待妾殆欲亂乎王曰若以他兒憎疾乎妃知王不信恐禍將及乃涕泣而告曰請大王密候若無此事妾自伏罪於是大王不能不疑將罪之或謂好童曰子何不自釋乎荅曰我若釋之是顯母之惡貽王之憂可謂孝乎乃伏劍而死

論曰今王信讒言殺無辜之愛子其不仁不足
道矣而好童不得無罪何則子之見責於其父
也宜若舜之於瞽瞍小杖則受大杖則走期不
陷父於不義好童不知出於此而死非其所可
謂執於小謹而昧於大義其公子申生之譬耶
十二月立王子解憂為太子遣使入漢朝貢光
武帝復其王號是立武八年也

二十年王襲樂浪滅之

二十四年春三月京都雨雹秋七月隕霜殺穀
八月梅花發

二十七年秋九月漢光武帝遣兵渡海伐樂浪
取其地為郡縣薩水已南屬漢冬十月王薨葬
於大獸村原號為大武神王
閔中王諱解色朱大武神王之弟也大武神王
薨太子幼少不克即政於是國人推戴以立之
冬十一月大赦

二年春三月宴羣臣夏五月國東大水民饑發
倉賑給

三年秋七月王東狩獲白獐冬十一月星孛于
南二十日而滅十二月京都無雪

四年夏四月王田於閔中原秋七月又田見石窟顧謂左右曰吾死必葬於此不須更作陵墓九月東海人高朱利獻鯨魚目夜有光冬十月蠶友落部大家戴升等一萬餘家詣樂浪投漢

後漢書云大加戴升等萬餘口

五年王薨王后及羣臣重違遺命乃葬於石窟號為閔中王

慕本王諱解憂

一云解憂妻

大武神王元子閔中王

薨繼而即位為人暴戾不仁不恤國事百姓怨之

元年秋八月大水山崩二十餘所冬十月立王子翊為王太子

二年春遣將襲漢北平漁陽上谷太原而遼東太守蔡形以恩信待之乃復和親三月暴風拔樹夏四月殞霜雨雹秋八月發使賑恤國內饑民

四年王日增暴虐居常坐人卧則枕人人或動搖殺無赦臣有諫者彎弓射之

六年冬十一月杜魯弑其君杜魯慕本人侍王左右慮其見殺乃哭或曰大丈夫何哭為古人

三國史記卷第十四
曰撫我則后虐我則讎今王行虐以殺人百姓
之讎也爾其圖之杜魯藏刀以進王前王引刃
坐於是拔刀害之遂葬於慕本原號為慕本王

三國史記卷第十四

三國史記卷第十五

輸忠定難靖國資化同德功臣開府儀同三司檢校太師守太保門下侍中判尚

書事兼吏禮部事集賢殿太學士監修國史上柱國致仕臣金富軾奉宣撰

高句麗本紀第三

大祖大王

次大王

吳

大祖大王

或云祖王

諱宮小名於漱琉璃王

高句麗王之子也母太后扶餘人也慕本王薨太子不肖不足以主社稷國人迎宮繼立王生而開目能視幼而岐嶷以年七歲太后垂簾聽政

三年春二月築遼西十城以備漢兵秋八月國

三國史本紀
南蝗害穀

四年秋七月伐東沃沮取其土地為城邑拓境東至滄海南至薩水

七年夏四月王如孤岸淵觀魚釣得赤翅白魚秋七月京都大水漂沒民屋

十年秋八月東獵得白鹿國南飛蝗害穀

十六年秋八月曷思王孫都頭以國來降以都頭為子台冬十月雷

二十年春二月遣貫那部沛者達賈伐藻那虜其王夏四月京都旱

二十二年冬十月王遣桓那部沛者薛儒伐朱那虜其王子乙音為古鄒加

二十五年冬十月扶餘使來獻三角鹿長尾兔王以為瑞物大赦十一月京都雪三尺矣

四十六年春三月王東巡柵城至柵城西翳山獲白鹿及至柵城與羣臣宴飲賜柵城守吏物段有差遂紀功於巖乃還冬十月王至自柵城五十年秋八月遣使安撫柵城

五十三年春正月扶餘使來獻虎長丈二毛色甚明而無尾王遣將入漢遼東奪掠六縣大守

耿夔出兵拒之王軍大敗秋九月耿夔擊破貊

人

五十六年秋九月王獵箕山陽獲紫獐冬十月

東海谷守獻朱豹尾長九尺

五十六年春大旱至夏赤地民饑王發使賑恤

五十七年春正月遣使如漢賀安帝加光祿

五十九年遣使如漢貢獻方物求屬玄菟通鑑言是

年三月麗王宮與獺貊冠玄菟不知或求屬或冠耶抑一誤耶

六十二年春三月日有食之秋八月王巡守南

海冬十月至自南海

六十四年春三月日有食之冬十二月雪五尺
六十六年春二月地震夏六月王與獫狁襲漢
玄菟攻華麗城秋七月蝗雹害穀八月命所司
舉賢良孝順問鰥寡孤獨及老不能自娶者給
衣食

六十九年春漢幽州刺史馮煥玄菟太守姚光
遼東太守蔡諷等將兵來侵擊殺獫狁渠帥盡
獲兵馬財物王乃遣弟遂成領兵二千餘入逆
煥光等遂成遣使詐降煥等信之遂成因據險
以遮大軍潛遣三千人攻玄菟遼東二郡焚其

城郭殺獲二千餘人夏四月王與鮮卑八千人
往攻遼隊縣遼東太守蔡謏將兵出於新昌戰
沒功曹掾龍端兵馬掾公孫酺以身扞謏俱沒
於陣死者百餘人冬十月王幸扶餘祀太后廟
存問百姓窮困者賜物有差肅慎使來獻紫狐
裘及白鷹白馬王宴勞以遣之十一月王與
扶餘王以遂成統軍國事十二月王率韓穢韓穢
貊一萬餘騎進圍玄菟城扶餘王遣子尉仇台
領兵二萬與漢兵并力拒戰我軍大敗
七十年王與馬韓穢貊侵遼東扶餘王遣兵救

破之

馬韓以百濟溫祚王二十七年滅今與麗王行兵者蓋滅而復興者歟

七十一年冬十月以沛者穆度婁為左輔高福章為右輔令與遂成叅政事

七十二年秋九月庚申晦日有食之冬癸月遣使入漢朝貢十一月京都地震

八十年秋七月遂成獵於倭山與左右宴於是貫那于台彌儒桓那于台於支留沸流那皂衣陽神等陰謂遂成曰初慕本之薨也太子不肖羣寮欲立王子再思再思必老讓子者欲使兄老弟及今王既老矣而無讓意惟吾子計之遂

成曰承襲必嫡天下之常道也王舍雖老有嫡
子在豈敢覬覦乎彌儒曰此弟之賢承兄之後
古亦有之子其勿疑於是左輔沛者穆度妻知
遂成有異心稱疾不仕

八十六年春三月遂成獵於質陽七日不歸戲
樂無度秋七月又獵箕丘五日乃反其弟固
諫曰禍福無門惟人所召今子以王弟之親為
百寮之首位已極矣功亦盛矣宜以忠義存心
禮讓克己上同王德下得民心然後富貴不離
於身而禍亂不作矣今不出於此而貪樂忘愛

竊為足下危之答曰凡入之情誰不欲富貴而歡樂者哉而得之者萬無一耳今吾居可樂之勢而不能肆志將焉用哉遂不從

九十年秋九月九都地震王夜夢一豹契斷虎尾覺而問其吉凶或曰虎者百獸之長豹不同類而小者也意者王之族類殆有謀絕大王之後者乎王不悅謂右輔高福章曰我昨夢有所見占者之言如此為之奈何答曰作不善則吉變為凶作善則災反為福今大王憂國如家愛民如子雖有小異庸何傷乎

九十四年秋七月遂成獵於倭山之下謂左右
曰大王老而不死吾齒即於暮不可待也惟
願左右為我許之左右皆曰敬從命矣於是一
人獨進曰向王子有不祥之言而左右不能直
諫皆曰敬從命者可謂姦且諛矣吾欲直言未
知尊意如何遂成曰子能直言藥石也何_之之
有其人對曰今大王之賢內外無異心乎雖有
功率羣下姦諛之人謀廢明上此何異將以單
縷繫萬鈞之重而倒曳乎雖復愚人猶知其不
可也若王子改圖易慮孝順事上則大王深知

王子之善必有揖讓之心不然則禍將及也遂成不悅左右妬其直讒於遂成曰王子以大王年老恐國祚之危欲為後圖此人妄言如此我等惟恐漏洩以致患也宜殺以滅口遂從之秋八月王遣將襲漢遼東西安平縣殺帶掠得樂浪太守妻子冬十月右輔高福章言於王曰遂成將叛請先誅之王曰吾既老矣遂成有功於國吾將禪位子無煩慮福章曰遂成之為人忍而不仁今日受大王之禪則明日害大王之子孫大王但知施惠於不仁之弟不知

貽患於無辜之子孫願大王熟計之十二月王

謂遂成曰吾既老倦於天天之曆數在汝躬

况汝內參國以外搃軍事久有社稷之功允塞

臣民之望吾所付託可謂得人作其即位永孚

于休乃禪位退老於別宮稱為太祖大王後漢書云

安帝建光元年高句麗王宮死子遂成立

太守姚光上言欲因其喪發兵擊之議

為可許尚書陳忠曰宮前桀黠光不能

擊之非義也宜遣吊問因責讓前罪赦

取其後善安帝從之明年遂成還漢生口

東言記高句麗國祖王高宮以後漢建光二十

九年癸巳即位時年七歲國母攝政至孝桓帝

本初元年丙戌遜位讓母弟遂成時言年一百

歲在位九十四年則建光元年是宮在位第六

十九年則漢書所記與言記抵牾不相符合豈

漢書所
記誤耶

次大王諱遂成太祖大王同母弟也勇壯有威
嚴小仁慈受太祖大王推讓即位時年七十六
二年春二月拜貫那沛者彌儒為左輔三月誅
右輔高福章福章臨死嘆曰痛哉冤乎我寺
為先朝近臣其可見賊亂之人默然不言哉恨
先君不用吾言以至於此今君甫陟大位宜新
政教以示百姓而以不義殺一忠臣吾與其生
於無道之時不如死之可也乃即刺遠近聞之
莫不憤惜秋七月左輔穆度婁稱云退老以那

于台葵支留為左輔加爵為大主冬十月涕
流那陽神為一畏大夫加爵為二口王之故
舊十一月地震

三年夏四月王使人殺太祖大王元子莫勤其
弟莫德恐禍連及自縊

論曰昔宋宣公不立其子與夷而立其弟公
小不忍亂大謀以致累世之亂故春秋居正
今大祖王不知義輕大位以授不仁之弟禍及
一忠臣二愛子可勝歎耶

秋七月王田于平儒原白狐隨而鳴王射之不

中問於師巫曰狐者妖獸非吉祥况白其色尤
可怪也然天不能諄諄其言故示以妖怪者欲
令人君恐懼修省以自新也君若修德則可以
轉禍為福王曰凶則為凶吉則為吉爾以為
妖又以為福何其誣耶遂殺之

四年夏四月丁卯晦日有食之五月五星聚於
東方日者畏王之怒誣告曰是君之德也國之
福也王喜冬十二月無冰

八年夏六月積霜冬十二月雷地震晦客星犯
月

三國史記卷第十五
十三年春二月星孛于北斗夏五月甲戌晦日
有食之

二十年春正月晦日有食之三月大祖大王薨
於別宮年百十九歲冬十月掾那皂衣明臨答
夫因民不忍弑王號為次大王

三國史記卷第十五



三夏五月甲戌晦日

月 日

年

史國三

三